


Ministerio Publico ta deliberando si e ta apela den e caso di rumannan Kalpoe

ORANJESTAD (AAN)- Ayera mainta huez-comisario a tende tanto Ministerio Publico como e tres sospechosonan hunto cu nan abogado en coneccion cu e demandanan cu Ministerio Publico a entrega siman pasa pa prolonga e detencion di e tres sospechosonan.

GEVANGENHOUDING

E prome periodo di gevangenhouding ta dura maximalmente 60 dia y ta un parti di e detencion - voolopige hechtenis - cu ta sigui riba e bewaig y e prolongacion di e bewaig. Si e fiscal ta di opinion cu e hechonan y circunstancianan y motibonan cu a conduci na e bewaig ainda ta presente, e fiscal ta haci un demanda na huez-comisario pa prolonga e detencion cu 60 dia (gevangenhouding).

Por bisa cu tin sospechoso-



Satisch saliendo for di corte



Deepak saliendo for di corte




Joran yegando corte caminda nan a bay cu e auto paden



Satisch yegando su cas

nan serio y fuerte si for di hechonan y circumstan-

un sospecho cu un persona a comete un hecho castigabel. E sospecho mester a bira mas fuerte a base di e investigacion. Den e caso aki e sospechosonan fuerte ta basa ariba e hecho cu e tres



Deepak yegando su cas na Hooiberg

sospechosonan tabata e ultimo personanan cu tabata cu e turista, e declaracionnan di e tres sospechosonan cu ta varia y cu no ta woro sosteni door di otro datonan di e investigacion of declaracionnan di testigonan. Fuera

di esey tin combersacionnan na telefon, mensahenan via sms, y chatmento cu ta musta den e direccion di e tres sospechosonan.

E motibonan cu a wordo treci dilanti pa prolonga e detencion ta cu e comunidad a wordo geschock door di

hecho aki, e interes di e investigacion den e caso aki y e hecho cu tin un castigo di mas cu seis aña riba e hechonan di cual e sospechosonan ta wordo sospecha.

Si e sospechoso no ta di acuerdo cu e decision di e huez-comisario pa prolonga su detencion, e por apela na Corte Superior.

DECISION DI HUEZ-COMISARIO

Den e caso di e tres sospechosonan, huez-comisario a dicidi e dos rumannan S.K. y D.K. mester wordo laga den libertad inmediatamente.

Den e caso di J.v.d. S huez-comisario a huzga cu e sospechosonan fuerte y e motibonan tey ainda pa mantene e sospechoso den e detencion y a ordena cu e persona aki tin cu keda cera pa 60 dia mas. Su restriccionnan si a wordo kita y tambe e abogadonan mester wordo permiti pa ta presente na e interrogacion.

Ministerio Publico ta deliberando si e ta apela den e caso di e dos rumannan S.K. y D.K.